


清代建築年表

四

單士元集 第三卷

單士元 編

紫禁城出版社



第三卷

清代建築年表

四

單士元 編

單嘉玖 整理
李燮平 輯補

乾隆三十一年 丙戌 一七六六

二月

修直隸通省城垣。

《清高宗實錄》：乾隆三十一年二月，是月，直隸總督方觀承……又奏，直隸通省應修城工共估需銀三百餘萬兩，分五年領辦，本年現修之通州、拱極、薊州、三河、盧龍、永年、磁州、獲鹿八處，又估辦之懷安、安肅、定興、望都、樂城、柏鄉、內邱七處，通計需銀六十四萬餘兩，奉撥安徽省三十萬兩，並直隸水利節省銀撥用外，尚需請領二十六萬九百餘兩，請將積存回贖旗地租銀內照數動撥，可省一領一解往返腳費，得旨，如所議行。

修山東省城垣。

《清高宗實錄》：乾隆三十一年二月，是月，山東巡撫崔應階奏，東省城垣共一百零七處，除前撫臣阿勒泰查明完好者三十一處，勸民粘補者十九處，臣任內勸民粘補九處，尚有應修城垣四十八處，內除曹縣、城武二縣城被黃水沖決，修費繁重，另請確估題修，又文登、蓬萊二處因地處海疆，亦經專案題修外，其應修之四十四處，按地方之衝僻定辦理之先後，共分五次興修，現令將第一次應修之齊河等六處即動支藩庫錢糧給發，先行燒造磚灰，清釐基址，仍委司道分路稽查督辦。又查，東省各縣土城共二十一處，如齊河、禹城、高唐、恩縣、路當、孔道、利津、濱州地處海濱荷澤，為曹州府治，以上七處應請改建磚城，其餘似可仍循舊制，下部知之。

三月

修甘肅武威、肅州、西寧等處城垣。

《清高宗實錄》：乾隆三十一年三月，是月，刑部尚書署陝甘總督舒赫德又奏，甘肅應修急工城垣，如武威、肅州、西寧三處，本內土外磚，應仍用磚，其鞏昌府屬之會寧、寧遠、伏羌、通渭四處，柴薪既少，且不產煤，又墩煌、玉門、巴里坤均在嘉峪關外，且土帶沙性，難以燒磚，均仍舊惟城圈女牆應用磚，以期堅固而壯觀瞻……得旨，如所議行。

《大清一統志》卷二七八：肅州城周八里有奇……明洪武二十八年（一五三五年）因舊改築，成化二年（一四六六年）增築東關廂城……本朝乾隆三十一年修。

《大清一統志》卷二六九：西寧府城周八里有奇，門四……明洪武十九年（一三八六年）因舊改築，本朝雍正十一年、乾隆三十一年重修。

四月

【補】著修豫省儀封、夏邑、考城三縣城垣。

《清高宗實錄》：乾隆三十一年四月庚申，諭軍機大臣等，阿思哈奏，豫省土城暫緩改建一摺，所辦是，已於摺內批示矣，惟所稱儀封、夏邑、考城三縣……距今又閱年餘，何以積水尚未消退……若地勢地窪，難於疏導……著傳諭阿思哈逐一確勘……如或卑濕不可施工，即量遷高地另建城垣，以資保障，著該撫速即查明妥議據實奏聞。

五月

修儀封、考城、夏邑城垣。

《清高宗實錄》：乾隆三十一年五月甲申，又諭，前以儀封、夏邑、考城三處積水未消退，諭令該撫相度情形迅為宣洩……著傳諭阿思哈切按實在情形悉心籌度，另行妥議具奏。尋奏，儀封、考城、夏邑三

城積水閱百年，其地勢外高內低，形同釜底，疏濬難施，若另建城垣，遷徙不易，茲查夏邑、考城水逼城根，實難修理，幸城身堅厚，無慮沖漫……應請停修，儀封積水雖多，尚有露出城腳處，應就城根淺灘培壅，隔住積水，然後將城池修建完固。得旨，如所議行。

建直隸下堡倉廩官廳及大門。

《清高宗實錄》：乾隆三十一年五月戊子，戶部議准，直隸總督方觀承奏稱……請於下堡地方添建倉廩二座，計十四間，官廳三間，大門一間……木料就近於富貴山砍用，工料需銀一千六十六兩。又圍牆、地基共需工料地價銀一百兩零，於司庫節年地糧銀內撥給興建。從之。

六月

添建山海關南門外教場房屋。

《清高宗實錄》：乾隆三十一年六月己酉，山海關副都統素保奏，滿兵駐紮各處教場，俱有房屋，惟山海關南門外，雖設教場，並無房屋，查折給山海關官員俸米地畝內，丈出地畝，每年征收租銀，除支給鰥寡孤獨人等糧餉，及官學公費外，尚餘銀三百二十八兩，請將此項動撥蓋造。又山海關、冷口、喜峰口三處丈出地畝，每年征收租銀，除支難應撥項處，尚餘銀一百五十兩，請將於此項修理官兵值班及看守城門、收貯火藥各官房。得旨，著照所請行。

改建天津水師教場。

《清高宗實錄》：乾隆三十一年六月壬子，直隸天津都統富當阿奏，天津水師營嚮未設立教場，雍正七年，建官廟兩座，所剩磚木等料於北門外建小箭亭三間，守兵住房四間，為官弁操練之所，日久坍塌，而地方又狹隘卑下，操練鳥槍陣式殊多不便，請將舊教場房屋拆燬，改建南門外寬阜地方，需費於本年

節省銀內動撥，報聞。

八月

修居庸關上關南門埝墊、八達嶺西門牆身、彈琴峽石道。

《清高宗實錄》：乾隆三十一年八月丁未，直隸總督方觀承奏，居庸關上關南門埝墊滲漏，雨零券中，並券洞深黑，往之藏虎為患。八達嶺西門牆身坍塌，南首相連之牆裏外坍塌，均應動帑修築。又居庸上關北四十里之彈琴峽地方石道坑窪，一遇水發，行旅阻礙，應照南口山根石道，依傍東山添建墁石道一段。得旨，著照所請行。

九月

修江蘇安東縣城垣。

《清高宗實錄》：乾隆三十一年九月，是月，兩江總督高晉，江蘇巡撫明德奏，安東縣城垣歲久傾圮，現在估修，該處係濱海之區，地瘠民貧，本年被災較重，請趁此歉收之年，以工代賑，即於本年冬間購辦物料，明春即行開工。得旨，嘉獎。

十二月

移建陝西洛川縣城垣、衙署。

《清高宗實錄》：乾隆三十一年十二月丁酉，吏部等部議復，陝西巡撫明山奏稱，洛川縣瀕臨深溝，城基塌陷，施工修築甚難，查距縣城四十里之鳳棲堡地方遼闊，當縣治適中，堡城現俱完固，祇須加高幫厚，並將城身嚮北開展，移造衙署、倉庫、監獄、壇廟，均應如所請。從之。

【補】建陽縣南槎村巡檢衙署、崇安縣五夫村巡檢衙署、星村縣丞衙署。

《清高宗實錄》：乾隆三十一年十二月甲辰，吏部等部議復，閩浙總督蘇昌奏稱……請將松溪縣遂應場巡檢裁改建陽縣南槎村，崇安縣分水關巡檢移駐五夫村，崇安縣貼堂縣丞移駐星村，並建衙署……應如所請。從之。

建安徽州巡檢衙署。

《清高宗實錄》：乾隆三十一年十二月戊申，吏部等部議復，安徽巡撫馮鈐奏稱……應將廬州府照磨裁汰，改設巡檢一員駐紮梁園，鑄給印信並建衙署。從之。

【補】建盛京官房。

《清高宗實錄》：乾隆三十一年十二月癸亥，軍機大臣等議復，盛京戶部侍郎瓦爾達條奏……一、各部京員多系賃房居住，當差甚為拮据，請動項於空地造官房一百六十間，每間每月一錢五分取租，歸還原款，如自願置房者聽，均應如所請。從之。

重修欽天監署。

《日下舊聞考》卷七一引《欽天監冊》：欽天監署在闕東禮部之後，明正統七年（一四四二年）建，乾隆三十一年奉詔重修。

建呼蘭、下堡、薊州、台灣、廣濟、公安、襄陽、南漳等地倉廩社倉。

光緒《會典事例》卷八七一《工部倉廩》：乾隆三十一年，黑龍江呼蘭地方添建土壞倉六座，計房三十間。又直隸省張家口於下堡地方添建倉房十四間，官廳三間，大門一間。又直隸省薊州建造陵糴大倉二座，計十間，常平六座計三十間。又福建省台灣府添建社倉六十一間，廣濟縣建蓋社倉十五間，公安縣建蓋社倉二十間，襄陽縣建蓋社倉二十六間。南漳縣建蓋社倉二十間。

重修順天府武清縣城。

《日下舊聞考》卷一二二：《京畿武清縣》：武清縣城於乾隆三十一年領帑重修，城門三……北面不設門，建北極台於其上。

《大清一統志》卷六：武清縣城周八里有奇，門三，明正德、嘉靖中築，隆慶三年（一五六九年）甃磚，本朝乾隆三十一年修。

重修保定府定興縣城。

《大清一統志》卷一二：定興縣城周四里有奇，門四，濠廣一丈五尺，金大定七年（一一六七年）築，明隆慶五年（一五七一年）甃磚，乾隆三十一年重修。

重修保定府安肅縣城。

《大清一統志》卷一二：安肅縣城舊有南北二土城，相傳五代時築，後南城燬，明景泰中增修北城，周四里，門二，甃以磚，濠廣二丈，乾隆三十一年重修。

重修寶坻縣城。

《日下舊聞考》卷一一三：寶坻縣城於乾隆三十一年領帑重修城門及門樓、水關等。

《大清一統志》卷六：寶坻縣城周六里，門四，濠廣四丈，舊土築，明弘治中甃磚，本朝乾隆三十一年修。

重修保定府望都縣城。

《大清一統志》卷一二：望都縣城周四里，門二，濠廣四丈，相傳唐代武德四年（六二一年）築，明時修葺，乾隆三十一年重修。

修宣化府懷安縣城。

《大清一統志》卷三八：懷安縣城周九里三十步，門四，西南北三面有濠，廣丈八尺，明洪武二十五年（一三九二年）建，本朝乾隆三十一年修。

重修廣平府城。

《大清一統志》卷三二：廣平府周九里有奇，門四，濠廣十二丈，明嘉靖中因舊址築，本朝乾隆三十一年重修。

改建順德府內邱縣城。

《大清一統志》卷三十：內邱縣城周四里有奇，外有副城，圍七里，門四，明正德中因舊址築，本朝乾隆三十一年改建。

重修山西五台城。

光緒《山西代州志》：五台城，後魏太和中建。明正統十年（一四四五年）展築，萬曆三十七年（一六〇九年）甃磚石，乾隆三十一年重修。

修山西忻州忻州城。

《大清一統志》卷一五〇：忻州城周九里有奇，門四，池廣丈餘，明萬曆中因舊土城甃磚，本朝乾隆三十一年修。

甃冀州衡水縣城磚。

《大清一統志》卷四九：衡水縣城周四里有奇，高二丈，東北隅少缺，象形曰幞頭城，門四，明景泰初土築，本朝乾隆三十一年甃磚。

重修河南歸德府夏邑縣城。

《大清一統志》卷一九三：夏邑縣城周五里，門四，池廣八尺，明正統十四年（一四四九年）增築，崇禎十一年（一六三八年）改築，本朝康熙二十七年修，乾隆三十一年重修。

重修陝西西安府耀州城。

《大清一統志》卷二二七：耀州城周六里，門四，池深一丈，明景泰中因舊址重建，嘉靖、弘治中增修，本朝乾隆三十一年重修。

重修陝西商州商州城。

《大清一統志》卷二四六：商州城周五里有奇，門四……元至元中因舊址築，明成化間甃磚，本朝乾隆三十一年重修。

重修陝西商州山陽縣城。

《大清一統志》卷二四六：山陽縣城周二里有奇，門三，池廣一丈，明成化十二年（一四七六年）築，正德中甃磚，本朝乾隆三十一年重修。

修陝西商州鎮安縣城。

《大清一統志》卷二四六：鎮安縣城周四里有奇，門三……明景泰三年（一四五二年）土築，正德四年（一五〇九年）甃磚，本朝乾隆十七年、三十一年修。

重修陝西同州府韓城縣城。

《大清一統志》卷二四三：韓城縣城周三里有奇，門四，金大定四年（一一六四年）建……本朝乾隆三十一年重修。

修陝西興安府興安府城。

《大清一統志》卷二四一：興安府城……本朝建，乾隆三十一年修。

修陝西漢中府略陽縣城。

《大清一統志》卷二三七：略陽縣城周五里，門四，明正德六年（一五一一年）土築，八年（一五一三年）甃磚，本朝順治、康熙年間，乾隆三十一年修。

重修陝西鳳翔府麟游縣城。

《大清一統志》卷二三五：麟游縣城周三里，門三，明景泰元年（一四五〇年）因舊址建……本朝順治中修，乾隆三十一年重修。

重修陝西同州府澄城縣城。

《大清一統志》卷二四三：澄城縣城周三里有奇，門四……後魏時建……本朝乾隆三十一年重修。

重修陝西延安府安定縣城。

《大清一統志》卷二二三：安定縣城周五里有奇，門四，池深一丈，明初建……本朝乾隆三十一年重修。

重修陝西延安府靖邊縣城。

《大清一統志》卷二二三：靖邊縣城唐為兀刺城，明景泰四年（一四五三年）改建新城……本朝乾隆三十一年重修。

修陝西延安府宜川縣城。

《大清一統志》卷二二三：宜川縣城周四里有奇，門四……宋建，本朝乾隆三十一年修。

修山東濟南府齊河縣城。

《大清一統志》卷一六二：齊河縣城周四里，門四，池廣一丈，金大定八年（一一六八年）修，本朝乾隆三十一年修。

建陝西鄜州洛川縣城。

《大清一統志》卷二四九：洛川縣城……乾隆三十一年因瀕臨深溝，基址屢圯，移治於鳳棲堡建城。

修甘肅安西州玉門縣城。

《大清一統志》卷二七九：玉門縣城周二里三分……乾隆三十一年修。

重修甘肅安西州敦煌縣城。

《大清一統志》卷二七九：敦煌縣城周三里三分……乾隆七年於東南北三面加築外郭……三十一年重修。

重修甘肅鞏昌府伏羌縣城。

《大清一統志》卷二五五：伏羌縣城周四里有奇，門四……明永樂初因舊增築，本朝乾隆三十一年重修。

修甘肅涼州府涼州府城。

《大清一統志》卷二六七：涼州府城周十一里有奇……明洪武十年（一三七七年）因舊改築，萬曆中甃磚……本朝乾隆三十一年修。

修甘肅西寧府大通縣城。

《大清一統志》卷二六九：大通縣城周五百五十八丈，門二，本朝乾隆三十一年修。

修貴州安順府鎮寧州城。

《大清一統志》卷五〇〇：鎮寧州城……周五里有奇，門四，明洪武二十五年（一三九二年）建，本朝乾隆三十一年修。

改建雲南順寧府緬寧廳城。

《大清一統志》卷四八三：緬寧廳城舊有土城，周三里三分，本朝乾隆三十一年改建磚城。

築新疆伊犁惠寧城。

《大清一統志》卷五一七：惠寧城在伊犁河北……乾隆三十一年築。

修四川潼川府潼川府城。

《大清一統志》卷四〇六：潼川府城周九里，門四，池廣四丈……明天順中因舊址建，本朝乾隆三十一年修。

重修四川嘉定府犍為縣城。

《大清一統志》卷四〇四：犍為縣城周四里四分……明正德中建，本朝康熙二十五年修，乾隆三十一年重修。

修四川重慶府銅梁縣城。

《大清一統志》卷三八七：銅梁縣城周六里六分，門四，明天順中建，本朝乾隆三十一年修。

重修四川重慶府南川縣城。

《大清一統志》卷三八七：南川縣城周三里五分，門四，明成化中築，嘉靖九年（一五三〇年）甃石，本朝……乾隆三十一年重修。

修四川成都府雙流縣城。

《大清一統志》卷三八四：雙流縣城周三里二分，門四，明正德中因舊土築，萬曆三十二年（一六〇四年）甃磚，本朝乾隆三十一年修。

修四川保寧府昭化縣城。

《大清一統志》卷三九〇：昭化縣城周二里七分，門三，明正德中因舊址建，本朝乾隆三十一年修。重修四川順慶府蓬州城。

《大清一統志》卷三九三：蓬州城周四里，門四，明弘治中建，本朝康熙四年修，乾隆三十一年重修。

修四川叙州府富順縣城。
《大清一統志》卷三九五：富順縣城周五里有奇，門七，明天順中因舊土城甃磚，本朝乾隆三十一年修。

修四川順慶府儀隴縣城。

《大清一統志》卷三九三：儀隴縣城周三里五分，門四，明正德中建，本朝乾隆三十一年修。修湖南常德府城垣及筆架城。

嘉慶《會典事例》卷六六五《工部城垣》：乾隆三十一年奏准，湖南常德府城垣高卑不一，請添高加厚，俾一律整齊。又筆架城逼近朗江，正當衝流，地勢最險，應建砌護城石堤一道……請一並修理。

重修湖南常德府常德府城。

《大清一統志》卷三六四：常德府城周九里有奇……明洪武時因元舊址築，本朝康熙九年修，乾隆三十一年重修。

重修湖南常德府龍陽縣城。

《大清一統志》卷三六四：龍陽縣城周八百八十七丈……明成化中因元舊址築，本朝康熙十二年建城樓，乾隆三十一年重修。

重修湖南長沙府長沙府城。

《大清一統志》卷三五四：長沙府城周十四里有奇……明洪武初築，本朝順治、康熙中重葺，乾隆初增修，三十一年重修。

重修浙江紹興府餘姚縣城。

《大清一統志》卷二九四：餘姚縣城周九里，門五，元末築……本朝順治十五年修，乾隆三十一年重修。

重修浙江衢州府開化縣城。

《大清一統志》卷三〇一：開化縣城周二十八丈五尺……明正德六年（一五一一年）土築，天啓三年（一六二三年）甃石，本朝乾隆三十一年重修。

重修浙江台州府仙居縣城。

《大清一統志》卷二九七：仙居縣城周十里，門五，明嘉靖三十六年（一五五七年）築，本朝順治中修，乾隆三十一年重修。

重修浙江衢州府常山縣城。

《大清一統志》卷三〇一：常山縣城周三里，門六……明正德七年（一五七二年）築，本朝乾隆三十一年重修。

重修浙江台州府天台縣城。

《大清一統志》卷二九七：天台縣城周四里，門四，又四隅各有小門，明嘉靖三十四年（一五五五年）因舊址築，本朝乾隆三十一年重修。

重修浙江紹興府餘姚縣新城。

《大清一統志》卷二九四：新城在姚江南岸，亦名江南城，周八里有奇，明嘉靖中築，與舊城隔江相對，本朝順治十五年增修，乾隆三十一年重修。

重修浙江紹興府紹興府城。

《大清一統志》卷二九四：紹興府城周二十里有奇，門五，水門四……本朝順治、雍正年間屢加修葺，乾隆三十一年重修。

重修浙江紹興府新昌縣城。

《大清一統志》卷二九四：新昌縣城周六里，門四……明嘉靖中築，本朝順治中修，乾隆三十一年重修。

重修浙江紹興府上虞縣城。

《大清一統志》卷二九四：上虞縣城周十三里，門五……明嘉靖中因元舊址重築，本朝康熙八年、乾隆三十一年修。

重修浙江紹興府蕭山縣城。

《大清一統志》卷二九四：蕭山縣城周五里，門四……明嘉靖三十二年（一五五三年）築，本朝順治、雍正間屢加修葺，乾隆三十一年重修。

重修浙江杭州府餘杭縣城。

《大清一統志》卷二八三：餘杭縣城周三里有奇，門四……明嘉靖中築，本朝乾隆三十一年重修。

重修浙江紹興府諸暨縣城。
《大清一統志》卷二九四：諸暨縣城周四里……明嘉靖中重築，本朝乾隆三十一年重修。

重修浙江杭州府富陽縣城。
《大清一統志》卷二八三：富陽縣城周六里，門四……明嘉靖中築，本朝康熙、雍正中修，乾隆三十一年重修。

重修廣東韶州府翁源縣城。

《大清一統志》卷四四四：翁源縣城周四百六十七丈，門三……明天順六年（一四六二年）建，本朝順治十年修……乾隆三十一年重修。

修廣西潯州府武宣縣城。

《大清一統志》卷四七〇：武宣縣城周二里有奇……明宣德土築，成化間甃磚，本朝乾隆三十一年修。

《大清一統志》卷四六五：武緣縣城周三里有奇……明洪武二十四年（一三九一年）建，本朝康熙三十一年修，乾隆三十一年重修。

重修廣西太平府養利州城。

《大清一統志》卷四七二：養利州城周二里，門五，明弘治間土築……本朝順治十八年修……乾隆三十一年重修。

建興京理事通判署。